

Te hāmata'uta'u farāni i te tau o te CEP

Te mau heheura'a o te putuapuna fa'aotihia i te matahiti 2021 ra e te peretiteni Macron, tē tauturu mai ra ia ia 'ite hau atu ā i te tua'ā'ai nō te noa'ara'a mai te mauha'a tāma'i 'ātōmī farāni e te fa'anoahora'a i te ho'ē ha'api'ira'a tumu nō te hāmata'uta'u 'ātōmī. 'Aore i pāpa'ihia ē e mau o Farāni i te ho'ē mauha'a tāma'i 'ātōmī i raro a'e i te IV^{ra'a} o te Repupirita. 'Aore ato'a [i pāpa'ihia] ē e o 'ona ana'e ra ia rave i te reira, mā'itira'a fa'anaho-māite-hia i te 'ōmuara'a nō te V^{ra'a} o te Repupirita. 'Aore ato'a ho'i [i pāpa'ihia] ē e mau 'ona i te ho'ē ha'api'ira'a tumu mā tē onono i ni'a i teie ti'amā'ara'a a fa'atae roa atu ai ia parau o Charles Ailleret i te hāmata'uta'u « pata hānoa » i te matahiti 1967 ra, mā tē fa'a'āno nā te reira i te mau fā o te mauha'a tāma'i farāni nā te tāato'a o te paraneta, i ni'a-ē i te 'avau tōvietia ^[1]. E 'inaha, e ti'a ia tāu'aparahia teie ti'amā'ara'a. Nā te hi'ora'a parau'iteha'a (*technologique*), tē fa'auui fa'ahou ra te mau 'ohipa 'āpī i te tu'ā'a'ipāpa'i (*historiographie*) o tei fa'ahoho'a i te no'ara'a mai o te paura mai te tahi arata'ira'a ta'anoa : i fāna'o na o Farāni i te ho'ē tauturu hau'āmuimarite mana-'ore-hia i te tahi taime ^[2]. Tē tū'ati ra teie 'ohipa 'āmui 'iteha'a (*technique*) i te niu poritita a Farāni nā te pae 'Atarati (*Atlantique*) i te tau nō te Tama'i pūto'eto'e, i ni'a-ē i te parau nō te pāto'i i te 'āna'ira i ni'a ia Washington.

I raro a'e i te IV^{ra'a} o te Repupirita t? fa'anaho t?puni ra te mauha'a t?ma'i 't? m? ia na a 'ore atu ai te reira e p?turu i te ho'? tau'aparaura'a huira'atira

I te hope'a nō te matahiti 1954 ra, i raro a'e i te mana-fa'atere rave-'ata a Pierre Mendès-France, e i muri a'e, i te 'ava'e tiurai matahiti 1956 ra, i raro a'e i te tūtavara'a rūrū 'ore ri'i a'e a te fa'atere-hau nō te Pāruru ra o Bourges-Maunoury, i te 'ava'e 'eperēra matahiti 1958 ra, e i te hope'ara'a, i raro a'e i te peretitenira'a a Félix Gaillard, i mana ai te

hāmanira'a i te ho'ē paura farāni mā tē vai 'ite-'ore-hia e te mau Farāni.

O Mendès te ti'a-'ahopa poritita matamua o tei hōro'a i te ho'ē arata'ira'a mana nō te mau mā'imira'a i ni'a i te 'ātōmē fa'ehau. I te 'ava'e novema matahiti 1954 ra, ua ha'amau 'oia i te ho'ē Tomite nō te mau Ha'apā'inara'a 'Ātōmī o tāna i pūpū i te tenerara ra o Jean Crépin. Ua fa'aa'o te pāpa'i parau rahi tāmau nō te Pāruru [o te] Hau ia mau huna o Farāni i te mauha'a tāma'i 'ātōmī, i muri a'e i tē tāu'aparaura'a i te reira i te 'āpo'ora'a a te mau fa'atere-hau. Topa iho nei te haufenua hou a'e teie tāu'aparaura'a, e fa'a'ohipahia atu rā te rahira'a nō te te tuha'a

rahi nō te mau fa'aa'ora'aa o te parau ha'apapa a Crépin : fa'a'ohipara'a i nā mātinī-ito e 2 e ti'a ia fa'atupu 70 e 80 atu kiro purutoniūmu (*plutonium*) i te matahiti ho'ē (pū-hāmanira'a nō Marcoule), patura'a i te ho'ē pū tāmamatara'a i Sahara, ha'amaura'a, i rotopū i te CEA, i te ho'ē Piha-'ohipa Tuatāpapara'a Āmui (BEG). Te fa'atāipe ra teie fa'ai'oara'a i te Fa'aterera'a a te mau Fa'a'ohipara'a Fa'ehau (DAM), arata'ihia e te tōronae ra o Buchalet. Te mau parau fa'aa tu'urimahia, i te 'āva'e mē matahiti 1955 ra, e te feiā-piri i te tenerara de Gaulle, [mai ia] Gaston Palewski, pāpa'i parau nō te Hau i te peretitenira'a nō te 'āpo'ora'a e o Pierre Koenig, fa'atere-hau o te Pāruru, ua 'aufau te reira i te fāito 100 mīria farāne nō teie fa'a'ohipara'a fa'ehau ^[3]. 'Aita o Boegner, fa'atere nō te piha-ha'a a Palewski, i fa'aro'o 'atā ē ua fa'aarahia o de Gaulle nō tē tupu ra mā teie mau 'aitārahu huna : te no'ara'a mai i te BGE te ho'ē fenua i Bruyère-le-Châtel, i Essonne. Ua tihepuhia i reira te mau fa'ehau mā te ha'amāramarama ia rātou i te fā, o tei vai huna. I te 'āva'e tenuare matahiti 1957 ra, ua pāpa'i te tenerara Ailleret i te parau ha'apapa o tei fa'aoti i te pū tāmamatara'a i te faura'o e fā mai ra.

Ua naho te mea ato'a, i te hope'a o te IVra'a o te Repupirita, nō te tāmamatata i te ho'ē paura. / te hope'a-roa-ra'a, i te 11 nō te 'āva'e 'eperēra matahiti 1958 ra, ua hōro'a o Félix Gaillard, peretiteni nō te 'āpo'ora'a, i te CEA i te fa'auera'a pāpa'ihia nō tē

fa'aineine i te ho'ē tūpitira'a nō te vaeha'a matamua o te matahiti 1960 ra. 'Ei aha ia 'ei paura ?

Te t'pu'ura'a o te matahiti 1958 : te paura n? mua a'e i te ha'api'ira'a tumu

I te 'āva'e 'atopa matahiti 1957 ra, te ha'amarūra'a o te ture Mac-Mahon ia fāna'o o Piritānia-Nui ana'e, ua ha'aparuparu ia i te ti'aturira'a farāni nō te no'ara'a mai te mauha'a tāmā'i nā roto ia Washington (de Gaulle e te mā'itira'a i te ho'ē paura farāni). I [tōna] mana fa'ahoura'a mai, ua fa'aa o de Gaulle i roto i te ho'ē *mémorandum* (ha'amana'ora'a) nō te 17 nō tetepa matahiti 1958 ra, i te ho'ē fa'aterera'a paetoru Rōneta-Washington-Paris i rotopū i te OTAN e te 'ōperera'a i te mau parau huna marite. Ua arata'i te pāoa o teie fa'aani i te mā'itira'a i te manahau'ē 'ātōmī, ha'apāpū-huira'atira-hia. I te 3 nō tetepa matahiti 1959 ra, ua tūrama o de Gaulle ia Eisenhower : « Fa'ahopohia mātou ia noa'a i tei au nō tē hāmata'uta'u, 'inaha noa atu, i te 'enemi ia 'āpa'i mai ia mātou io mātou, e tītau te reira ia naho mātou ia 'āpa'i ia na io na e ia 'ite 'oia e rave atu mātou i te reira mā tē 'ore e tia'i te tahi parau fa'ati'a nō rāpae'au mai ». I te 3 nō novema matahiti 1959 ra, ua fa'aara te peretiteni i te Fare ha'api'ira'a fa'ehau ē e tītauhia o Farāni ia mau i tāna iho « pūai 'āpa'i ». A mahanahana noa ai te tāmamatara'a matamua

ravehia i te 13 nō fepuare matahiti 1960 ra, *Gerboise bleue*, ua tarai te tenerara Gallois i roto i te [ve'a] *Le Monde* i te ho'ē ha'api'ira'a tumu pāturuhia e te tītaura'a o te ti'amā'ara'a i roto i te fa'anahora'a o te mauha'a 'ātōmī, ia au i te mau ti'aturi 'atu i te pāruru fare-ha'amarara 'ātōmī hau'āmuimarite : « E rave atu o Mārite mā te taupupū roa atu ā i to na'uamua (*passé*) i te ataata nō tē ha'apāpū ia 'Europa ».

Tē ti'a nei te papa matameha'i o teie ha'api'ira'a tumu i ni'a i te ho'ē tāu'aparaura'a i te 'Āpo'ora'a nō te mau ture nō te tāpura fa'ehau mā'itihia nō te 5 matahiti. Pierre Messmer, tī'ā'au nō te Pāruru mai te matahiti 1960 e tae noa atu i te fa'aeara'a o te tenerara (1969), tē 'ite ra 'oia i reira i te tahi huru « nō te ha'apa'o i te 'ahopa » o te tāpura

'ātōmī i mua i te aumana'o (*opinion*) ^[4]. I te ātea 'ē i te hoho'a tau matamua nō te ho'ē fa'aaura'a (e aha te fa'aaura'a i ni'a i te hāmata'uta'u), te ture ha'amanahia i te 8 nō titema matahiti 1960 ra, mā te fāito ho'o 5,44% nō te PIB, ua pāto'ihia e 2 taime e te Huito'ofā. Nā 31 mīrīa mā'itihia nō te 5 matahiti, tē fa'atano ra ia ia mau o Farāni i te matahiti 1964 ra'a ra ihoā, i te ho'ē aupiti'ahuru paura A e tō rātou mau aveave, 12 Mirage IV, mā tē tia'i i te mau te'atūpita fenua-fenua (tahua nō Albion) e te mau raro-moana 'ātōmī ^[5]. Ua fa'a'ohipa o Michel Debré i te 'ahopa nō tāna haufenua (49.3) e ua fa'aruru i nā mau parau pāto'i e 3. Ua ha'apa'ari te 'ātōmē fa'ehau, 'ei tauvere ia na iho, i te pae 'ata au'atarati (Reynaud), te pū au'europa (Lecanuet) e te aumanahune-marumetia o tei hina'aro i te ho'ē paura 'europa, e 'oia ato'a te pae 'au autōtiare e te mau « auti'amā » mai ia Jean-Marie Le Pen, o tei mā'iti e 'aro i te « fa'ahuehuera'a » i 'Areteria, « e o tei 'ore i fa'ata'a i te mau tino-moni 'ananui (*astronomiques*) nō te ho'ē tama'i [o] tā tātou, penei a'e, e 'ore roa atu e fa'atupu » ^[6].

Ua 'ite o de Gaulle i teie mā'e'e nō te ho'ē mauha'a tāma'i nō te fa'aohipa-'ore o tāna e fa'ahiti i te 'āpo'ora'a nō te pāruru nō te 7 nō mē matahiti 1960 ra : « 'E'ita te ha'amauha'a-tāma'i-ra'a 'ātōmī e fa'a'ohipahia atu, 'aita ia e faufa'a i te haere i reira. Teie nei rā, e mea fa'ahopo tu'utu'u-'ore-hia te mau ha'amauha'a-tāma'i-ra'a fa'aau » ^[7]. A ta'a noa atu ai e tē mata'u nei 'oia i te ho'ē 'apotarupo tauvere e te mana'o tumu nō te ho'ē mauha'a tāma'i fa'atupu hau (« Te fifi nō te auta'atara'a, o teie nei ia : e riro tātou i te fa'a'ohipa i te ha'amauha'a-tāma'i-ra'a 'ātōmī, nō te mea tē ti'aturi nei au ē e fa'a'ohipahia atu te reira, e tū'ati tenā i te ho'ē tītaura'a huru [ora] o tei fa'arahi 'ino roa, e o tei hina'aro atu ia tīnai ia na ») tē 'ite ra 'oia i roto i te paura tinitane te rāve'a maita'i roa a'e e vai ai te mauha'a tāma'i 'ei fa'a'ohipa-'ore : « Mai te peu e tae mai tenā mahana, e mai te peu ē

'aore a Farāni e paura "H", 'aita fa'ahou ia o Farāni o tei riro atu i tē tīnaihia ānei e aore ia i tei riro ānei i te tahi atu ta'ata. O terā o tē fa'aotihia nei i na'uanei ».

'Aita rā te tāpura fa'aotira'a e 'ōpani ra ia na iho i te ho'ē fa'a'ohipara'a pere i te mauha'a tāmā'i : ua mana'ohia te « ho'ē pūai 'ātōmī mono » mā te « huru pere-puahema » o tei ti'a « i te tāpae i te mau fā faufa'a i Rūtia ». Ua pū'ohu te tāpura fa'aotira'a ē « te 'aiferuri OTAN nō te mau tāho'ora'a rarahi » e vai nei mai te tama'i i Kōrea nō tē fa'atanotano i te 'aifāito-'ore o te mau rāve'a fa'aau i rotopū i te OTAN e te Tapu nō Varsovie « e mea tōrōtahi roa » [8]. Te mutamuta nei rā te mau Farāni nō tōna fa'aru'era'ahia, i muri a'e i te fifi nō Cuba, i te matahiti 1962 ra, a mā'iti ai o Kennedy i te « pāhonora'a tātuha'ahia » (*flexible response*). Te parau nō te pāhonora'a tuha-māite [ia au] i te 'arora'a, ua riro ia 'ei ha'apī'ira'a tumu nā te OTAN i te matahiti 1967 ra, o tei fa'ahapo ia Farāni ia ha'apāpū i tōna ti'ara'a.

E aha te ha'apī'ira'a tumu n? te mauha'a t?ma'i 'p? ?

I te matahiti 1963 ra, ua ha'apāpū o de Gaulle i te vauvaura'a ve'a ē e tē pāto'i ra 'oia i te 'ōperera'a i te hāmata'uta'u. Tē mau ra o Farāni i tōna ti'amāra'a nō te fa'a'ohipara'a i roto i te OTAN. Ua rave fa'ahou Messmer mā te mana i te mau parau nō « te mau tāho'ora'a hi'o-ātea-hia » e nō « te mau fifi fāri'i-'ore-hia » nō te pāruru i te mau faufa'a tumu, e i muri a'e, i te matahiti 1966 ra, nō « te paruparu i te pūai atu ». Teie nei rā, 'e'ita teie ha'apī'ira'a tumu e fa'anahohia mā te tahi huru ta'anoa e rēni-tārava : ua rau te ti'araa nō te paraura'a, ua papahia teie mau 'aiferuri e te 'hipuahema mai te tama'i-muri mai ā, e 'e'ere te farāni ana'e to rātou puna.

E 'inaha, 'aita te ha'apī'ira'a tumu e fa'anahohia ra i roto ana'e i te 'āpo'ora'a nō te pāruru. I muri a'e ia Raoul Castex, 'atimarara o tei feruri i te parau ha'apapa nō te paruparu i te pūai atu i te matahiti 1945 ra'a ihoā, ua pūhura nā « tenerara e 4 nō te 'apotarupo » i te hui'atira i tā rātou mau ferurira'a mā te *imprimatur* [nei'a] ti'aturihia o te

mana poritita. Ua fa'ahohonu Pierre Gallois i te 'aiferuri nō te « mana fa'atūēa o te 'ātōmē » i roto i *Puahema n? te matahiti 't?m?*, i te matahiti 1960 ra, e fa'ahohonu iho ra i te parau nō te manahau'ē 'ātōmī (« 'e'ita te ataata 'ātōmī e 'ōperehia »). Ua papa o Lucien Poirier i te matahiti 1966 ra i te parau nō te faufa'a tumu i roto i te arata'ira'a o te Pū nō te tuatāpapa e nō te fāitora'a (CPE) hina'arohia e Messmer – mā te 'ore e fa'ahapo i te ti'araa puahema roa o te mau mauha'a tāmā'i pere [9]. Te tauturu a André Beaufre, mā tāna Pū-haapi'ira'a farāni nō te tuatāpapara'a puahema, tei nī'a ia i te ti'ara'a o te pūai 'āpa'i farāni i roto i te mau pūai tau'a 'āre'a te ha'afau'ahia ra mai roto mai ia Charles Ailleret e tāna pehe tu'iro'o « pata hānoa » o

tei fa'aara i te ti'amā'ara'a hope nō te mā'itira'a i te mau fā.

E tai'ohia te mau mana'o 'e'e i roto i te rahira'a o teie mau parau. Tō tei nā te paruparu i te pūai atu, nō roto mai ia i te mau tāho'ora'a rarahi peretāne-marite. Te mau « fifi fāri'i-'ore-hia », nō roto mai ia i te *Putā tea* piritānia nō te matahiti 1962 ra, mātauhia e Gallois o tei 'āmui i te ho'ē pupu nō te OTAN tītauhia nō te feruri i te pāruru 'europa i roto i te arata'ira' nō te 'aifātio-'ore te mau pūai fa'aauhia ^[10]. Tē ti'a ra o Raymond Aron nō te fātatarā'a o te mau 'ihimand'o, 'ei mareva i rotopū i te mau Hau-Āmui [Marite] e ia Farāni. I te matahiti 1960 ra, i roto i tāna parau-'ōmaura'a i *Te Puahema n? te matahiti 't?m?* a Gallois, tē tau'apapa ra 'oia te tumuti'a o te hāmata'uta'u. I roto i *Te T?u'aprau Rahi. Ha'api'ira'a i te puahema 't?m?*, 'āparau-rahi-hia i te mau Hau-Āmui [Marite], ua 'āpe'e 'oia i te inera'a o Kennedy nā te pāhonora'a tātuha'ahia, mā te mana'o ē te « tama'i hope » a te mau tāho'ora'a rarahi, o te tahi ia *punura'a* 'e're i te mea pāpū roa. ^[11]

Ua papahia ānei teie ha'api'ira'a tumu i ni'a i te ho'ē mauha'a 'aitere tano ia pāpū ? Ua fa'atito mana'o [teie] uiuira'a i te 'ihiporitita ra o Benoît Pelopidas e te 'ihirahu'a (*physicien*) ra o Sébastien Philippe i te mau 'ihitu'ā'ai ra o Maurice Vaisse e o Dominique Mongin ^[12]. Mā te 'ore e 'imi ia 'ite-pāpū-noa-hia te tai'o mahana ti'a i pāutuutu mai ai te ha'api'ira'a tumu o te manara'a 'iteha'a o te paura farāni e tōna mau aveave, mā tē tītau [teie] uiuira'a i te mau hoho'a e tae noa atu i te mau 'ihi, tē ha'apāinu ra te mau putuapuna [i te mana'o] i ni'a i te huru 'aitere o te pūai 'āpa'i i roto i te mau matahiti 1964-1965. Te pāpū maori mai ra te ha'api'ira'a, nō te taime matamua roa, i te ho'ē mauha'a fa'ehau nā roto i te otira'a mai te Mirage IV, aveave matamua farāni i te matahiti 1964 ra. E tae te manureva i Varsovie e 'aore ia i Belgrade e e naea'ehia o Sébastopol e o Leningrad mā te tītōra'a [mōri] nā roto i te ho'ē Vautour e tāpae atu ai i Moscou e i Stalingrad mā te manu-tītō [mōri] KC 135 ho'ohia mai ia Boeing e fa'ata'ahia 'ei turu i te mau Mirage IVA i te 'āva'e 'atopa matahiti 1964 ra, o tei fa'a'itehia mai e te hoho'a-fenua 'apahia i te parau putu fa'aineine nō te 'āpo'ora'a nō te pāruru nō te 19 nō tenuare matahiti 1962 ra i ni'a i te « Mau pūai 'aitere o te Mirage IVA » :



Tāiŋe 1. « Mau pūai 'aitere o te Mirage IVA », puna : SGN, parau putu fa'aineine 'āpo'ora'a nō te pāruu i te 19 nō tenuare matahiti 1962 ra.

E tītauhia te manureva e uta i te ho'ē mauha'a tāma'i [fāito] 60 kiroane, tāmatahia i 'Areteria : te AN 11. Ua tāu'aparahia tōna pāutuutara'a i te 'āpo'ora'a nō te pāruu nō te 30 nō 'atopa matahiti 1964 ra. Ani iho ra o Thiry : « E rave ānei i te ho'ē tūpitira'a tāmata nō te mauha'a tāma'i Mirage IV i Porinetia ? ». Te tenerara Maurin, tōmāna nō te mau Pūai Māreva puahema (FAS), tē ha'ape'ape'a ra 'oia i te ahu fa'atupuhia 'oi horomi'ihia e te puo nō te faura'o i te 'ōtamu ^[13]. Tē tāmarū ra o de Gaulle : « 'aore e ataata ia pā'ina hape te ho'ē paura i Mont-de-Marsan » (pū nō te mau Mirages IV). Fa'ariro a'e nei o Pompidou ia na 'ei ti'a nō te ti'aporo, e ani iho ra ē « 'eita ānei te paura e tū'ino ia na iho ia ha'apa'i'uma ana'e 'ona » ^[14]. 'E'ita roa atu e hope te pāpū-'ore nō te vaivaira'a o te paura AN-11 noa atu ia te mau parau fa'aau a Hirsch, i teie 30 nō 'atopa matahiti 1964 ra : « Ua tāpa'ohia te fa'aineinera'a. I te 'āva'e tenuare, e tātā'ihia atu ia te reira. Te mau 'ino 'itehia i ni'a i te ha'apā'ina, 'aita te reira e parau mai ra ē 'e'ita te mauha'a tāma'i e 'aitere ». Jean Forestier, ti'a-'ahopa nō te tāpura o te mau Mirage IV A, tē ha'amana'o mai ra i tōna 'oa-topa ahoaho 'ei « paura māhīhī » ^[15]. Ua fāri'i Maurin ē e vai mana'o noa te hāmata'uta'u e roa noa atu te taime ia 'ore ia ravehia te tāmatamatarā'a mā tē tāora māreva : « A 'ore noa atu ai e ravehia te mau tāmatamatarā'a a te CEA, 'e'ita ia e ti'a atu ia 'u ia parau e te vai ra a 'u ho'ē paura 'aitere ». Fa'aoti iho ra de Gaulle : « E tītauhia ia rave i te ho'ē tāmatamatarā'a mau, mai tō te taime tupura'a tama'i, nō te ho'ē paura A tāorahia e te manureva ». Fa'atū'ati parau a'e nei te mau ti'a 'āpo'ora'a nō te pāruu nō te 30 nō 'atopa ia « ha'apā'inahia te ho'ē paura tāora i te ho'ē Mirage IV ia au i te mau tupura'a mau » nō tē 'ite ē « e haere

ānei te reira » ^[16]. Ua fa'ahereherehia te mauha'a tāma'i i te matahiti 1966 ra *hau a'e* tōna tāmatamatarā'a manureva ^[17].

O te ho'ē ia fāito 'āpī nō te paura A, vaivai hau a'e, 'ōpuahia nō te matahiti 1966 ra mā te 'oa AN-21, o tei tāmatamatahia i Moruroa, 'ei pāhonora'a i te hina'aro fa'a'itehia, i te 30 nō 'atopa matahiti 1964 ra, e te tenerara Maurin nō tē 'ōpua i te ho'ē tāmatamatarā'a mā te faura'o 'āpī « i te CEP i tē ineinera'ara'a ihoā 'ona ». O te huru ia o te ho'ē o te mau fa'a'ohipara'a rū roa a'e o te pū 'āpī, hou a'e te ineine hope'a o te paura H. Te tūpitira'a matamua mā te manureva o te paura A, i te 19 nō tiurai matahiti 1966 ra, i tua atu ia Moruroa (tāmatamatarā'a *T?m?r?*) 'aita ia e ha'amana ra i te AN11, maori maita'i rā i te AN21.

Tē pāpū e tē 'ore, te vai nei rā tā te pūai 'āpa'i farāni te ho'ē ha'api'ira'a tumu o tei fa'aau 'ata ia 'ite ē e nāmua ānei ho'i 'ona e aore ia e fa'atanotanora'a ānei ho'i 'ona i te nu'uraa parau'iteha'a

a te DAM. 'Inaha te mau mauha'a tāma'i 'ātōmī pere (ANT, hurira'a nō te reo marite ra « tactical nuclear weapon ») ti'ahia nā roto i tē fa'aha'ihā'ira'a, mā tē fa'atupu i te ho'ē pūai [fāito] ho'ē au'ahuru kirotane. Te Nu'u Fenua, tu'uhia i te ihiti o te fa'aitoitora'a nō te hāmata'uta'u, ua tāmārūhia 'ona nā te ineinera'a hope'a o Pluton, te ho'ē te'atūpita nō te ho'ē āteara'a 120 kiromētera mā tē uta i te AN-51 [fāito] 10 e 'aore ia 25 kirotane. Te tenerara Lavaud, 'auvaha fa'aterehau nō te ha'amauha'a-tāma'i-ra'a, fa'ehau muritama'i, ra'atira tahito nō te hui-fa'atere o te mau nu'u [fa'ehau], ua fa'auehia e Messmer ia « 'ōpua i te mau tuatāpapara'a nō te mau faura'o pere ». Te tenerara Le Puloch, ra'atira nō te hui-fa'atere nō te Nu'u fenua, ua turu rahi 'oia i te faufa'a ia arata'ihia teie mau tuatāpapara'a o tei mana'o ra i te fa'a'ohipara'a « o te purutoniūmu e o te purutoniūmu reporepo nō te mauha'a tāma'i pere ». Teie mana'o tumu, ha'apāpūhia i te matahiti 1963 ra, ua tītua ia i te ho'ē fa'aotira'a mana i te'āpo'ora'a nō te pāruu nō

te 10 nō novema matahiti 1966 ra, 'inaha tē vai ra te purutoniūmu e tano.

Tē vai ra tā Washington [teie] huru mauha'a nō te pāhonora'a tātuha'ahia : ua ha'amau-haere-hia tāna mau Honest John i Farāni mai te matahiti 1957 ra. Nō te aha rā ho'i e mau ai i te ho'ē faura'o pere, mauha'a tāma'i nō te fa'a'ohipara'a, i roto i te arata'ira'a a te ha'api'ira'a tumu farāni [i mua] i te mau tāho'ora'a rarahi ? Ua tu'uhia teie ANT, mā te maita'i e te 'ino, i roto i te ha'api'ira'a tumu. Te tohu ra Ailleret ē e fa'atupu mai [teie ANT] i te mau 'ēfē puahema. Ua tāpa'o Gaulle i te reira i roto i teie tahua mā tē fa'ariro ia na mai « te ho'ē rāve'a hau atu ā nō te ārai i te 'Apotarupo ». I te matahiti 1964 ra, i mua ia Peyrefitte, ua tūrama 'oia ē 'e'era i te tahi rāve'a nō te fa'atanotano i te 'aifāito-'ore o te mau pūai fa'aauhia i ni'a i te tahua 'arora'a, o te ho'ē rā « tāpa'o fa'aitoito » ia ti'aturi te ennemi i te fa'aotiraa e fa'a'ohipahia te mauha'a tāma'i puahema ^[18]. I te matahiti 1970 ra, ua tae i te tenerara de Boissieu ra teie parau tu'utu'u a tōna metua-ho'ovai tāne : « Mai te peu i te tahi mahana, nō te mau uiuira'a nō te faufa'a, e tītauhia 'oe ia mā'iti i rotopū i te 'ātōmē pere e te 'ātōmē puahema, a ti'aturi mai ia 'u nei, a fa'aitoito i ni'a i te 'ātōmē pere, 'inaha e mea hau a'e ia fa'aitoito i ni'a i tei nāmua i te 'apotarupo i tei ni'a [iho] i te 'apotarupo ». I te matahiti 1966 ra, ua fa'ahohonu Lucien Poirier i te parau nō te « tāmata » o tei turuhia e te Puta tea nō te matahiti 1972 ra, hou a'e a fa'ahepohia mai ai te fa'anahora'a nō te « fa'aarara'a hope'a » fa'a'ohipahia i te matahiti 1975 ra i te taime nō te ho'ē vauvaura'a 'orerohia i te pū nō Mailly e Jacques Chirac, a Fa'atere-hau matamua ai nō Valéry Giscard d'Estaing.

Te no'ara'a fa'aau 'at? o te paura H e te mau ha'auuira'a a te ha'api'ira'a tumu

Ua ha'apāpū te tūpitira'a Canopus nō te 24 nō 'atete matahiti 1968 ra i te hina'aro o de Gaulle i te ti'amā'ara'a e te mana ararua mā te mauha'a 'ātōmī (paura H). Te ha'apī'ira'a tumu farāni niuhia i ni'a i nā e fa'anahora'a e 3, māreva, moana (raro-moana tāora faura'o) e fenua (tahua nō Albion, mā te mau

te'atūpita tanuhia, mā'itihia i te matahiti 1965 ra), ha'apotohia mā te parau fa'ahae « pata hānoa », 'e'ere ia ē e tē 'ite ra o Paris i te mau 'enemi ana'e. Ti'amā, 'e'ere o Farāni i te turu-'ore i roto i te tama'i pūto'eto'e. 'Aita 'oia i ha'amarirau i tāna turu ia Washington i te taime a fifi ai te mau te'atūpita i Cuba. Teie nei rā, te ta'anora'a (*solitude*) o te fa'aitoito, e fāito ho'o tōna : e hōro'a te mauha'a tāma'i i te ho'ē ti'amāra'a hope nō tē papa i tāna ha'apī'ira'a tumu nō tē fa'a'ohipara'a o tei ine ia au i te mau peretiteni o te Repupirita.

Mai te taime a ravahia ai te mā'itira'a peretiteni mā te mā'itira'a hui'atira ti'a (1962), ua ora-ta'ata te tenerara de Gaulle i te manahau'ē 'ātōmī farāni ; tē tāpe'a ra 'oia i te tēpeta (*sceptre*) repupirita ^[19]. Te huru-ta'ata o tei tāumi-pitopito atu i te paura, ua riro ia 'ei tuha'a nō te hāmata'uta'u. Ua parau 'oia i te reira ia Eisenhower : « Ua 'ite te mau Tōvietia ia 'u. Ua 'ite rātou ē ia tomo-haru rātou ia 'Europa to'o'oterā (*occidentale*), e, tē vai ra tā 'u pūai 'āpa'i, e fa'a'ohipa vau i te reira, e riro te reira 'ei hāmata'uta'u hau atu ā. Fa'ahepohia vau ia noa'a i te pūai ia riro rūru'a-'ore [o vau] ana'e ra ». Ua ferurhia te ha'apī'ira'a tumu i roto i te mau tomita nō te pāruru, te 'Āpo'ora'a nō te mau ha'amauha'a-tāma'i-ra'a 'ātōmī, e tae noa atu i te 'āpo'ora'a [a te] hau nō te tītorotorora'a 'ei reira e 'āmui ai te fa'atere-hau matamua, te mau fa'atere-hau tītauhia, te CEMA, te DAM. Teie nei rā, tē nane ra te peretiteni tāta'itahi ia tu'u i tāna tāpa'o : tē tō ra te huru-ta'ata-ra'a, nā ni'a-'ē i te fa'aotira'a nō te fa'a'ohipara'a, i te ha'apī'ira'a tumu.

Ua onono o Pompidou i ni'a i te fa'anahora'a fa'atupuhau a te hāmata'uta'u mā te parau nō te rava'ira'a e 'aore ia nō « rava'i-'eta'eta-ra'a » : te mau ra o Farāni i te nūmera tano roa a'e nō te mau mauha'a tāma'i 'ei fa'ahepora'a i te mau « fifi fāri'i-'ore-hia », mā tē tāpa'o 'ore ia na i roto i te tata'ura'a mauha'a tāma'i o nā pūai rarahi e 2. Te puta tea nō te matahiti 1972 ra fa'aineinehia e Debré i raro a'e i te peretitenira'a a Pompidou, tē fāri'i ra ia i te pūai 'āpa'i te 'ahopa nō tē ārai-pāruru o te Poroono e nō tē 'āmui i tā 'Europa e 'oia ato'a rā nō tē pāruru i te mau fenua ātea [i raro a'e] i te manahau'ē farāni, i roto i ho'ē parau a au-degaulle nō tē pāto'i te mau 'apa'apa.

Ua tāmarū tōna mono i te ha'apī'ira'a tumu : ua tāpa'o tau maoro na te tu'ā'a'ipāpa'i a « te fa'atanora'a o te puahema 'ātōmī farāni i ni'a i tā te mau Hau-'Āmui [Marite] i raro a'e ia Giscard d'Estaing », e 'inaha i 'ite 'aifāito na te OTAN, i te matahiti 1974 ra, i te faufa'a o te pāturura'a ti'amā o te pūai 'āpa'i farāni ^[20]. Te vauvaura'a o tā te fa'atere-hau matamua

Raymond Barre e 'orero i Mailly i te matahiti 1977 ra, tē ha'afātata ra ia i te ANT i te pāhonora'a tātuha'ahia a te OTAN, mā te tāu'a-'ore i te tāpa'o fa'aitoito au-degaulle e 'aore ia nō te fa'aarara'a hope'a au-chirac. I te matahiti 1979 ra, te fifi o te mau te'atūpita 'Europa, tē 'ite ra ia i te OTAN i te pāhonora'a i te mau SS-20 tōvietia 'āpapahia i te matahiti 1977 ra mā tē ha'amaui i 'Europa to'o'a'oterā i te mau aveave 'āpī. 'Aita o Farāni, māhiti 'ē i te fa'aterera'a roto, i tā'atihia i te fa'aotira'a. O te ho'ē ānei o te mau tumu nō reira te mau tupura'a mana'o i pūai 'ore a'e ai i te tahi vāhi 'ē atu ?

Te 'āpitira'a o te pae 'aui i te [parau o te] hāmata'uta'u, na'uataui noa atu ia tē ta'a'ē i te fifi, ua fa'ariro ia i te mā'itira'a matamua o te ho'ē peretiteni autōtiare i te 'anotau 'ātōmī, i te matahiti 1981 ra 'ei parau 'ore nō te ha'api'ira'a tumu o te hāmata'uta'u, te manuia o François Mitterrand [nō roto mai ia] i fa'aineinera'a a te 'āpitira'a a te PC [Pupu Au'āmui] e te PS [Pupu Autōtiare] i te hāmata'uta'u ^[21]. Ua tu'u te peretiteni 'āpī i te pūai 'āpa'i i rōpū o te pāruru o te mau « faufa'a tumu ». Mā te 'ore e ha'apāpū i teie mau [« faufa'a tumu »] (e riro atu te fa'aarara'a hope'a 'ei huru tāpa'ora'a ē ua pa'ohia rātou e te 'avau), tē pāruru ra te paura ia rātou i te ho'ē 'arora'a 'ātōmī e 'oia ato'a i te ho'ē 'arora'a fa'aauhia. Mā tē fa'aū i te mau fa'andhora'a pāto'i-'ātōmī i 'Europa, ua turu Mitterrand i te OTAN e ua fa'aara 'oia i Bundestag, vāhi tāpa'o nā roto i tōna pirira'a i te 'avau tōvietia : « O vau, o vau ato'a nei, tē pāto'i ra i te mau te'atūpita 'europa. Teie noa rā, te 'ite atu ra vau i te tahi mau mea 'ohie roa, i roto i te tāu'aparaura'a nō na'uane, te fa'atupura'a hau e te tāato'a o tōna aura'a, tei te To'o'a-o-te-rā 'ona, e te mau te'atūpita 'europa ra, tei te Hiti'a-o-te-rā ; e tē

mana'o nei au ē e ti'ara'a tū'ati-'ore terā ». Te tīnai ra te fa'atere-hau o te Pāruru Charles Hernu, i te matahiti 1984 ra, i te [mau] 'āno'ira'a tāato'a nō te parau o te mau ANT : 'e'ere rātou i te mau mauha'a tāma'i nō te fa'a'ohipara'a 'ei pāhonora'a tātuha'ahia, e mau mauha'a tāma'i « puahemahou » rā i roto i te arata'ira'a nō te fa'aara hope'a o tei tāpa'o fa'ahou i te ha'api'ira'a tumu farāni i roto i te fēti'ira'a audegaulle. E 'inaha, tei teie 'anotau te fāra'a mai te parau nō de Gaulle-Mittérand.

Te PS i te mana-fa'atere : te « 3^{ra}a o te u'i n? t? t?tou ha'api'ira'a tumu » n? te hope'a o te Tama'i p?to'eto'e

Te 2^{ra}a nō te tau-mana a te peretiteni autōtiare, o te taime ia nō te ha'apāpū i te ha'api'ira'a tumu i mua i te ho'ē RFA [Repupirita Manarua Heremani] tū'ati-'ore ia riro mai te mau pupu [fa'ehau] tōvietia 'ei mau fā i te fenua heremani nō te fa'aara hope'a. I te 11 nō 'atopa matahiti 1988 ra, ua 'orero Mitterrand i te tahi vauvaura'a māramarama 'atā i te Pū-haapi'ira'a nō te

mau Tuatāpapara’a Teitei o te Pāruru [i te] Hau : « Te mau mauha’a tāma’i puahemahou, ‘aita ia i fa’aineinehia ‘ei pū’oi i te mau mauha’a tāma’i fa’auhia. Tē ti’a ra rātou, te tanora’a, i te ‘ōmuara’a o te arata’ira’a ‘ātōmī ». Nō te tamarū i te RFA, tē fa’arava’i ‘oia, nō te parau o te monora’a ia Pluton : « Oia mau, e ti’a atu te fa’aarara’a hope’a i te hōro’ahia i ni’a ana’e i te mau ‘ōpuara’a ‘eta’eta fa’ehau. E nā reira ho’i ia māramarama i te fa’a’ohipara’a ia Hadès ». Marūra’a nō te fa’a’ohipara’a e māramarama ‘atā [o te] ha’api’ira’a tumu : ua tāmau-maori-hia ho’i te Hadès, ia au i te mā’itira’a, i te upo’o [fāito] 80 kirotane e ‘aore ia mai te 5 e 10 atu kirotane, e ti’a ia nae’a 25 fā tōvietia mai Farāni atu nei.

I mua i te fa’ahapo a Helmut Kohl, tē hema ra Mitterrand i tē fa’a’ore i te pūai nō tē fa’atano i ni’a i te mau pupu [fa’ehau] tōvietia e haere ra nā ni’a i te tino fenua heremani, teie nei rā, tē hina’aro ra tōna fa’atere-hau nō te Pāruru, Jean-Pierre Chevènement, i te peretiteni ia fa’aherehere i te mā’itira’a ti’amā « o te mau huru ‘āpa’i nō te fa’aarara’a hope’a » ‘ei « fa’atāpae i te m?ramarama ‘at? i ni’a i t?na vaira’a ti’a i roto i te v?rua o te ho’? ‘enemi vaipaha

(*éventuel*) » ^[22]. Nō tē fa’arūru’a i teie mā’itira’a i tō RFA e nō tē tātara ia na i rāpae i te mana’o a te pehe-tiurai tōvietia nō te ho’ē ‘europa ‘aina-‘ātōmī-hia, arata’ira’a nō te ho’ē tāho’ē-fa’ahou-ra’a heremani, ua tu’u Chevènement i mua i te parau nō te ho’ē « ‘Europa nō te pāruru » ^[23]. E te reira, ‘aita ‘oia e ha’apae ra i *Te ta’a’?ra’a far?ni*, (upo’oparau nō te puta a Julliard, Furet e Rosanvallon nei’ahia i te matahiti 1988 ra), ia riro ‘ei pūai ‘ōtahi ānei, i ‘Europa, ia fāna’o i te ho’ē pūai ‘āpa’i ti’amā ^[24]. 10 matahiti hou a’e i te fa’aarara’a ‘āmui farāni-piritānia i Saint-Malo, i te ‘āva’e titema matahiti 1998 ra, ua fa’ahohonu Chevènement i te parau nō te ho’ē pāruru ‘europa, te mea noa rā, ‘eiaha ‘ona e fa’atahe i te « pūai ‘ātōmī » o Farāni. Ua ‘ōpua mau ho’i ‘oia ē « te mau tumu tāpura faufa’a e fenua-poritita (te mara’ara’a o ‘Ātia e te Moana Patitifa), e arata’ai pāpū te reira i te mau Hau-‘Āmui [Marite] ia fa’aity i tā rātou tauto’ora’a ‘europa » ^[25]. Ua tāu’aparau [Chevènement] e o Egon Bahr, tāipe nō te SPD, i te ‘āva’e tiunu matahiti 1989 ra. Ua tau’ati te ‘iriti-ture heremani i te parau nō te ho’ē ‘Europa nō te Pāruru patuhia nā te ‘āpiti farāni-heremani, ‘ei reira te vaira mauhaa tama’i ‘ātōmī farāni-heremani, ‘ei reira te vaira’a tauha’a ‘ātōmī farāni e riro atu ai ‘ei pou nō te ārai-pāruru ‘europa ^[26]. Te nīnā ra te tāho’ē-fa’ahou-ra’a heremani i teie hi’ora’a.

E aha te h?mata’uta’u i muri a’e te Tama’i p?to’eto’e ?

A fa’aherehere noa ai o Mitterrand i tāna poritita ia au i te ‘aina-mauha’a-tāma’i-ra’a papahia e Moscou rāua o Washington (ua pāpa’i ‘oia ia Bush i te ‘āva’e tiurai matahiti 1989 ra ē te hina’aro ra o Farāni e fa’atura « manahau’ē i te mau fa’anahora’a

nō te fa'a'ohipa i te mau fa'aitira'a fa'aauhia nō tē fa'aherehere i tāna puahema ti'amā nō te hāmata'uta'u 'ātōmī » ^[27]), ua arata'i te hi'ara'a o te patu ia Chevènement ia fa'aineine e 2 fa'atumura'a-mana'o 'e'ere roa atu 'ei ti'avaru : te ho'ira'a i nā fa'aterera'a e 3 fa'aineinehia, i te matahiti 1958 ra, e de Gaulle ; te hi'ora'a nō te « ho'ē te hāmata'uta'u farāni-heremani ». Tōna fāriura'a i te 'ōperera'a puahemahou e o Heremani o tāna i 'aro tu'utu'u-'ore, e au ia te reira i te tahi horo-'ē-ra'a i mua : i roto i tahi pāpa'ira'a nō te 9 nō 'eperēra matahiti 1990 ra, ua tītau 'oia e fa'anaho i te ho'ē parau fa'aau nō te tāu'aparau i te mau fā fa'atorohia e te ho'ē fa'aara'a hope'a e nā tē fāri'i i te ho'ē parau fa'ati'a nō te tūpitara'a 'āmui ^[28]. Te mata'u ra te fa'atere-hau i te ho'ē Heremani 'ātōmīhia nā roto ia na iho : « Mai te peu ē i roto i nā 10 matahiti, tē ti'aturi ra o Heremani e noa'a te mauha'a tāma'i 'ātōmī e 'e'ita 'ona e ti'atītī fa'ahou i te pae hope'a i te mau To'o'a'oterā nō tōna ārai-pāruru, 'aore re'a fa'ahou e tāmarāura'a i tōna marupūai nā 'Europa » ^[29]. Ua fa'aau 'oia [Chevènement] e « patu i te ho'ē te hāmata'uta'u farāni-heremani » ^[30]. Te inera'a ararua nō te tau poai nō te matahiti 1990 ra, ua tāpae te reira i te parau papa nō Moscou nō te 12 nō tetepa matahiti 1990 ra « mā tē tāpa'o i te arata'ira'a hope'a nō nī'a ia Heremani », o tei tāpiri i te 'iriamene (*horizon*) nō te ho'ē Heremani 'ātōmīhia. Tē fa'aau ra tāna 'irava 3 : « Te mau haufenua o te Repupirita manarua o Heremani e o te Repupirita manahune heremani, te ha'apāpū fa'ahou ra rātou ia ha'apae i te hāmanira'a, i te noa'ara'a e i te hi'opo'ara'a mauha'a tāma'i 'ātōmī, 'ihiora e 'ihitemeia (*chimiques*) ».

Ua ha'aparuparau te hope'a o te tama'i pūto'eto'e i te fāito fāri'ira'a o te mau tāmamatara'a 'ātōmī. Ua pāto'i o Farāni ia tu'urima i te parau papa nō Moscou nō te matahiti 1963 ra mā te 'ōpani i te

mau tāmamatara'a māreva (TIPEN) (tē tūpita ra 'oia nā te 'apura'i (*atmosphérique*) mai te matahiti 1966 e teae atu i te matahiti 1974 ra i Porinetia), i muri a'e i te Parau Papa nō te 'Aina-Parare (TNP) papahia i te matahiti 1968 ra nō tē fa'aiti i te pupu 'ātōmī a te mau Hau o tei rave ho'ē a'e tāmamatara'a hou a'e te matahiti 1967 ra. 'Aita o Paris i tu'urima i TNP maoti rā i te matahiti 1992 ra, matahiti nō te tau-fa'ataime i tāna mau tāmamatara'a i te CEP e o te hope'a nō te hāmanira'a i te purutoniūmu (*plutonium*). O te 'anotau ia nō te pāruru i te mau Hadès, fātata roa i te tātaratarahia, mai i te tahua nō Albion (1996-1998), i muri a'e o te CEP (1998), i muri a'e i te tārena hope'a nō te matahiti 1995-1996 o tei tū'ati i te hope'a o te hāmanira'a i te 'uraniūmu (*uranium*) fa'arava'ihia.

Ua fa'a'ohipa atu ra rā Farāni i te ho'ē tāpura nō te fa'atohu rorouira 'ei 'atu'atu i tāna pūai 'ātōmī. Te puta tea nō te matahiti 1994 ra, pāpa'ihia i te taime nō te fa'aterera'a-'āmui Mitterrand/Balladur, tē pāturu i teie fa'aitira'a i te fa'aitoito 'ātōmī nā roto i te parau nō te « hotu o te fa'atupuhau ». Tē onono nei 'ona i nī'a i te 'ati o te pararera'a, o tei fa'a'ite rā i te faufa'a o

te mau pūai fa'aauhia mau e te mau pūai nō te tāorafā (*projection*) i roto i te parau o te mau tama'i nō Golfe e te mau Balkans. Ua fāri'ihia te fa'aitira'a o te'ātōmī e J. Chirac i roto i te ho'ē vauvaura'a nō te 'āva'e feppure matahiti 1996 ra : « E ti'a ia tātou ia 'o'oti i te maita'i o te fa'aeara'a e hōro'ahia mai ra i te vaira'a puahema na'uanei nō tē feruri fa'ahou ā i to tātou ti'araa 'ātōmī ».

Puna o te parau

SGDSN : tomita nō te pāpuru te mau matahiti 1960 e matahiti 1970 (consultabte mau). Mau Putuapuna 'Oire nō Belfort : Fonds Jean-Pierre Chevènement, 18224.

Tapura puta tai'ora'a

Dominique Mongin, Histoire de la dissuasion nucléaire depuis la Seconde guerre mondiale, André Versailles, 2023. Thomas Meszaros dir., Repenser les stratégies nucléaires. Continuités et ruptures. Un hommage à Lucien Poirier, Bruxelles, Peter Lang, 2019. Yannick Pincé, « La dissuasion en débat : les partis politiques et la fabrique du "consensus" nucléaire français, des années 1970 aux années 1980 », thèse sous la dir. de F. Bozo, soutenue en juin 2022 à la Sorbonne-Nouvelle. Jean-Damien Pô, Les moyens de la puissance. Les activités militaires du CEA (1945-2000), Ellipses, 2001. Nicolas Roche, Pourquoi la dissuasion, PUF, 2017. Bruno Tertrais, La France et la dissuasion nucléaire : concept, moyens, avenir, La Documentation française, 2017.

Rohiparau /Taparau/ Fatu parau



[Renaud Meltz](#)

Fa'atere nō te nene'ira'a

Parau papa'i ha'apapu

1. Charles Ailleret, « Défense « dirigée » e 'aore Īa défense « tous azimuts » (décembre 1967) » *Revue Défense Nationale*, n° 805, p. 39-46, 2017.
2. Manatea Taiarui, Renaud Meltz, « La bombe et les essais 'ātōmī français entre indépendance stratégique et dépendance technologique (1957-1975) », *Champs de m?ti*, n°39, 2022.2. Thèse en cours de Manatea Taiarui sur cette dimension internatihau de la bombe française.
3. Dominique Mongin, *La bombe française, 1945-1958*, LGDJ/Bruylant, 1997.
4. Pierre Messmer, *Après tant de batailles, ... Mémoires*, Albin Michel, 1992, p. 306. Archives municipales de Sarrebourg, Fonds Messmer, 8PM 3 et 8 PM 9, notes préparatoires.
5. SGDN, CR du Comité de défense du 21 māti 1961, p. 7.
6. *Le Monde*, le 21 octobre 1960.
7. SGDN, compte-rendu de la 'āpo'ora'a du Comité de Défense du 9 mē, p. 5.
8. SGDSN, décisions prises en CdD restreint le 21 māti 1962, p. 3.
9. Bruno Tertrais, « Les origines du concept français de te fa'atemu », Thomas Meszaros dir., *Repenser les stratégies 't?m?. Continuités et ruptures. Un hommage à Lucien Poirier*, Bruxelles, Peter Lang, 2019, p. 115-122. Sur le CPE, 'ite Matthieu Chillaud, « Le Centre de prospective et d'évaluations. Un outil prospectiviste au service de la planification stratégique », *Stratégie*, vol. 113, n° 3, 2016, p. 121-142.
10. Bruno Tertrais, *Ibid.*
11. Anthony Dabila et Thomas Meszaros, « Raymond Aron's heritage for the Internatihau Relations discipline: The French school of sociological liberalism », Olivier Schmitt, *Raymond Aron and Internatihau Relations*, Oxford, Routledge, 2018.
12. <https://www.lopinion.fr/internatihau/te-fa-atemu-nucleaire-contre-les-recits-triompbalistes-preuves-a-lappui-par-benoit-pelopidas-et-sebastien-philippe>
13. *Ibid.*, général Maurin, p. 17-18.
14. *Ibid* Pompidou, p. 19

15. Benoît Pelopidas & Sébastien Philippe (2020) "Unfit for purpose: reassessing the development and deployment of French nuclear weapons (1956–1974)", *Cold War History* ., expression non sourcée par les auteurs.
16. SGDSN, PV du CdD du 30 octobre 1964, Thiry, p. 3 et de Gaulle p. 17, citant le général Martin.
17. Cette question est peu documentée. Sylvain Champonnois, « L'nu'u de l'air française et le 'ātōmī. L'adaptation au fa'anahora'a d'arme stratégique piloté Mirage IV (1956–1966) », *Stratégie*, vol. 102, no. 1, 2013, p. 177–194.
18. Alain Peyrefitte, *C'était de Gaulle*, Gallimard, 2002, p. 711.
19. Samy Cohen, *La monarchie 't?m?*, Hachette, 1986.
20. Dominique Mongin,
21. Patrice Buffotot, *Le tōtiareisme français et la guerre, du soldat-citoyen à l'nu'u professionnelle (1871–1998)*, Bruxelles, Bruylant ; Paris, LGDJ, 1998 ; Yannick Pincé, « Les essais 'ātōmī et la fabrique de la notion de "consensus
22. Archives Municipales de Belfort (AMB), FJPC, 18Z24, Chevènement à Mitterrand, « Conception de te "ultime avertissement" et 'ēfē à en tirer. Décisions à prendre en Conseil de Défense », p. 10
23. AMB, FJPC, 18 Z 24, ss dr « entretien PM 25 /01/89, note manuscrite de Jean-Pierre Chevènement s. d.
24. *Ibid.*, note manuscrite de réflexion personnelle, s. d.
25. *Ibid.*, Chevènement à Mitterrand, « Conception de te "ultime avertissement" et 'ēfē à en tirer. Décisions à prendre en Conseil de Défense », p. 5.
26. AN, 5AG4/CD 167 Dossier 2, CR d'entretien du ministre avec M. Egon Bahr, le 9 juin 1989, cité par Frédéric Bozo, 'The Sanctuary and the Glacis: France, the Federal Republic of Germany, and Nuclear Weapons in the 1980s", *Journal of Cold War Studies* Vol. 22, No. 4, Fall 2020, pp. 175–228, p. 218.
27. AMB, FJPC, 18Z24, rata de FM à Bush, le 12 juillet 89
28. AMB, FJPC, 18 Z 28, note du 9 avril 1990
29. *Ibid.*, note du 19 juin 1990

30. *Ibid.*, note du 9 avril 1990.